



啓禎野乘六卷十一  
至十二



啓禎野乘六冊



破禎野乘一集卷十一

梁溪鄒 漪流綺浦纂

蕭鍾祥傳

公諱漢號象石江西南豐人也中崇禎丁丑進士授  
 鍾祥知縣五載俸滿行取聞襄藩陷自誓曰士見危  
 授命豈容卸担遂以護陵保土自請於撫按免覲壬  
 午十二月十一日賊逼境破關廂人咸失色公奮臂  
 呼曰此正鍾今効死日也入署奠辭家廟出絹悅勒  
 令衆勝自經曰男忠女烈各宜自盡吾不能庇城中

億萬生靈敢愛此三十二口并兩雛乎於是揚鞭直  
走擐甲登陴重懸賞格殺賊三千餘級越六日賊復  
大合幾百萬薄內城相持五晝夜至癸未元旦公擲  
劍向北泣拜曰臣力竭矣急衝圍奔陵賊亦踵至公  
挺身大呼鍾祥知縣在此不得擅驚陵寢賊卒獲之  
前公引頸就刃賊曰砍首應云卽砍賊曰剝皮應云  
卽剝賊遣僞官玄圭等說降終不可奪賊批片紙令  
亂箭射死蕭知縣公袒胸以受寂無半鐵相加旋有  
宗送吉祥寺僧察至則羅列美饌小賊一人主之公  
大罵不食求死轉急覓死具不可得偶於圓定僧榻  
獲剝刀藏之因取敝紙書楊椒山浩氣還太虛丹心  
炤千古平生未了事畱作忠魂補又別錄夷齊死後  
君臣薄力爲君王固首陽兩言紙窮投筆起復拾土  
塊從壁畫鍾祥縣令蕭漢願死此寺十字隨時對壁  
自刎血橫幾字時正月初五日也賊治觀致誅就寺  
地瘞之

論曰公以俸滿行取之縣令而方求免覲城亡與亡  
百折不回生氣凜凜賊曾遣僞官玄圭說降以管夷

吾劉青田爲言公應之曰管仲不死有母在我則白  
雲望斷惟知向日卻離子痛鱗介之易我衣裳從龍  
淮右我正節聖主英明金甌無缺事不相回死卽死  
耳勿復言賊憚而重之不忍殺死復致祭葬豈非冬  
栢秋英經霜彌顯亦烏能得此蠢茲匪亦者尋奉如  
斯哉

王端節傳

公諱徵字良甫號夢心自號了一道人陝西三原人  
也生而穎異立志落落敦尚氣節肆力問學弱冠登  
賢書困公車三十年屢蔬食以著書講學爲務母  
病徒跣百里十武一叩以禱病洵愈天啓壬戌成進  
士授廣平府司理時白蓮獄興有司擊斷爲武株連  
以千百計公悉爲辨釋之濬清河水開渠石田者千  
頃教民以武侯陣圖曰天下不可以無事之治治也  
猝有變何恃哉以母憂去補廣陵值三王之國從

舟執事者如林。膾人脂血為食。公挺身白王。王為折節。及魏閣構黃山獄事。連巨室數百人。黠者乘機構害。一時側目。公毅然曰。某在必不敢廢法。斷斷者其容。嚙弱肉乎。以一官爭之。當事卒不能奪。建祠役興。公與淮海道來。公陽伯亦持不可。竟不往拜。一時稱為關西二勁。云丁父憂時。島賊為亂。旋起山東。按察司僉事監遼海軍務。公赴任。進取全復。海蓋諸道擒叛將。與治時吳。屏兵。金川。公航海隻身歸。赴廷尉會赦。返。不異秀才。時里

居值寇盜充斥。公悉力戰守。劄為連弩活橋。自行車自飛礮。諸奇器。演為圖說。三原巖邑。恃以無虞。公之力也。癸未李賊入關。羅致縉紳。公懼不免。手題墓石曰。明進士了一道人之墓。又書全忠全孝四大字。付子永春。曰。吾且死。死豈為名。欲汝識吾志耳。及賊遣使促公。公引佩刀自誓。乃繫永春行。公遂絕粒。不復飲啖。越七日而卒。卒之日。猶誦所為。憂國每含雙眼。淚思君。獨抱萬斛愁之。司里人私謚曰。端節。論曰。未申之際。蓋難言哉。有志當死而不死者。有可

以無死而死者如公固進不與其憂而退可避其死○  
卒之七日絕粒談笑就義則真可以無死而死乃所○  
謂○板○蕩○忠○臣○也○其○視○文○山○登○山○豈○有○讓○哉○

朱忠壯傳

附徐標

朱公名之馮字樂三號勉齋順天大興人也○中天啟○  
乙丑進士○巡撫宣府贊理軍務○右僉都御史甲申三○  
月賊偪畿輔時宣鎮總兵王通已潛遣騎賫降表迎○  
賊矣而公尚勞苦登陴與通分城而守各畫東西為○  
界賊信急飛章上告城中忽布訛言謂公疑宣人謀○  
叛請兵屠城○值上撥援兵二十萬旦夕且至人心○  
益懼而又傳賊所過秋毫無犯發帑賑貧赦糧蘇困○  
真若沛上亭長太原公子復出矣○兵民望賊愈急十

二日賊全隊抵城下。公方登城捍禦。見左右皆星散。禁不止。惟存七八人環守。公側意叵測。俄報賊已從南門入。滿城結綵。或帛或布。無者繼以紙。百姓胸前皆粘順民二字。焚香跪接賊騎。已充斥街衢。公憤甚。令將大砲昇轉。欲向城中擊之。慢不應。公不得已。自起拽砲。見藥線孔牢下。鐵釘知事已不可為。卽索佩刀自盡。亦為左右所匿。意在擒公獻賊。居為首功也。公南面仰天哭曰。太祖高皇帝。成祖文皇帝。今上皇帝。臣不意天命人心。一旦至此。臣死必為厲鬼。殲賊以報國恩。哭已五拜。以繩繫頸。二三僕立在側。竝無一言。及後事遂縊死。城樓簷下衆棄其屍於濠中。次早賊大肆淫掠而去。十四日始有好義者收斂之。濠邊狼犬夥多。屍經宿無不傷。惟公已兩日夜。面目肢體完好無恙。未幾而李鑑等義兵起。鑑成都人。由進士初為分廵。口北道遇事敢為。有膽略。旣擢宣撫。尋罷去。以公代。時尚留宣。賊旣破城。權將軍檄徵紳弁大姓。貫以五木。備極慘毒。酷索金錢。鑑亦不免。啣賊刺骨。人心怨恨。至四月杪。籍籍言賊已為吳

三桂借兵殺敗。鑑因糾集數千人。於五月初五日。昧  
旦圍各衙門。立擒權將軍。果毅將軍。及防禦使。州牧  
等。偽官。是日。卽設。大行皇帝位。發喪哭臨。隨將。偽  
官。梟首。剗心。祭饗。先帝。衆各。瀝血。飲酒。誓師。隨奉  
公。樞。入。察院。改。殮。易。以。厚。棺。謂。屍。必。腐。敗。擬。用。白。綾  
纏。裹。及。啟。櫬。顏。色。如。生。毫。無。潰。壞。垂。幕。中。堂。次。第。哭  
奠。三。日。後。築。墳。葬。之。墓。碣。巍。然。尚。在。南。都。贈。兵。部。尚  
書。謚。忠。壯。又。有。衛。公。名。景。瑗。字。帶。黃。韓。城。人。天。啟。壬  
戌。進。士。巡。撫。大。同。右。副。都。御。史。賊。至。被。執。命。之。跪。不  
肯。曰。此。膝。不。屈。第。二。人。卽。當。殺。我。賊。禁。之。別。室。終。不  
屈。自。縊。死。贈。兵。部。尚。書。謚。忠。毅。又。有。徐。公。名。標。號。鶴  
洲。濟。寧。人。天。啟。乙。丑。進。士。巡。撫。保。定。右。副。都。御。史。守  
真。定。斬。賊。使。碎。偽。牌。時。知。府。直。某。聞。警。預。遣。妻。孥。出  
城。公。執。知。府。下。獄。會。中。軍。某。謀。叛。伺。公。登。城。盡。守。禦  
乘。間。殺。公。放。知。府。出。獄。知。府。遂。牒。所。屬。州。縣。先。叛。待  
賊。

論曰。朱忠壯之慷慨。自我衛忠毅之從容。就義其純  
忠亮節昭然。史册尚矣。至徐中丞。雖未見賊而死。然

觀其執筴。盡守禦。設與賊角。必然抗節者。况斬使  
碎。脾先聲已赫。勸乎。

蔡忠襄傳

附王清等

公諱懋德。字公虞。號雲怡。南直崑山人也。丙午登賢  
書。已未成進士。司理杭州。平允明恕。獄無冤民。而冰  
蘖之操。尤幾於范。萊蕪。元道州。秩滿。內徵。會鄉衮顧  
秉謙。方用事。擬以銓部。餌公公。振衣去之。不少假借。  
秉謙慙且恨。遂并奪公臺省。僅授儀曹郎。公視之澹  
如也。秉謙敗。乃循資出。爲江右督學。已敷。歷浙楚齊  
豫寧。前所至。以勞績聞。其視江右學。獎恬潔。抑躁競。  
杜請託。所賞拔。皆清醇淵懿。左聖燈。而右先型。崇雅

黜浮士風爲之不變其備兵嘉湖以四十款勸衆以  
三十六條訓兵策海寇劉香據溫失利必折入海豫  
集帥使偏裨邀擊堵截香果以三巨艦指鹽塔山又  
指澉之黃道巷見兵盛退去巨寇屠阿丑流毒四省  
公授幕署許世威方略擒之青石橋士民卧始帖席  
浙紳吳公麟瑞爲碑志焉其分守湖南值湖賊竊發  
公先後計擒賊渠齊天王等永以無虞四省會勦公  
督率狼兵洗高紫兩源之寇凡九奏捷音九龍填賊  
首成朝龍最凶狡公始以招撫疑之繼以奇兵破之  
朝龍党散就縛其在寧前時關外八賊逼近虎窟歲  
受困月受攻公積粟練士得有松山之捷三年括揚  
八城晏然又上疏勸學請皇上默恩數年蠲治而  
未臻蕩平者何故聖祖五載戡亂而頓興塗炭者何  
故堯舜建萬世治極而以十六字傳心者何故  
掃蕩中原而先戰勝身心者何故堯舜至聖而猶闢  
門求賢者何故二祖龍興而海內豪傑翕然景從者  
何故語宛而旨要天下傳爲說論烈皇帝知公才  
遂以名對擢公撫晉時叛寇譁兵警報疊至公簡察

邊關料理防守俱務實用。壬午冬方扼守河上。忽北師入口。卽整旅勤王。旋奉命扼防龍固。至庚辰夏方撤防回省。而秋八月闖賊臨河矣。公拜疏南馳駐防蒲澤。賊不敢渡。會秦督孫傳庭以數十萬衆一戰奔潰。潼關旣陷。三秦瓦解。長河二千五百里之防。晉獨當之。公南北策應。大慶風陵兩挫賊鋒。逃將高傑領兵入晉。所在焚掠。公爲濟行糧。安家眷論將吏以大義約士卒以軍法。幸免譁叛。至冬保德州告急。歸鎮省城。守河道將聞警奔潰。平陽遂陷。公欲親將往救。爲宗紳士民所尼。留守太原。忽奉旨革任。聽勘或勸公。因此解任卸責。公不可。又勸姑移鎮。候代。公又不。河遂誓衆死守。賊馬步號五十萬。公登陴抗敵。矢石火藥傷賊甚衆。裨將朱孔訓牛勇力戰死之。已而城東南角樓砲裂焚毀。風霾陡作。走石飛沙。對面莫辨。公知事已敗。繕遺疏寸楮藏衣幅間。守門將張雄爲賊內應。賊遂入城。公出遺疏授贊畫知縣賈士璋。掣佩刀欲自刎。爲衆所奪。中軍應時盛扶公上馬。率衆巷戰。欲衛公出城。公躍下馬曰。吾封疆之臣。應死封

彊○汝○輩○自○去○衆○強○之○公○大○呼○曰○汝○等○欲○陷○吾○不○忠○耶○  
遂○至○書○院○三○立○祠○惟○時○盛○相○隨○公○南○向○自○縊○軀○輕○氣○  
未○絕○時○盛○解○鐵○甲○覆○公○身○候○氣○絕○亦○東○向○自○勒○死○時○  
甲○申○二○月○初○八○日○也○蓋○時○盛○以○遼○諸○生○爲○公○識○拔○隸○  
幕○下○見○公○草○遺○疏○卽○歸○寓○殺○其○妻○妾○與○十○四○歲○子○期○  
以○死○殉○公○卒○如○所○志○文○武○將○吏○與○公○同○死○者○方○伯○趙○  
建○極○而○下○四○十○六○人○蓋○公○忠○義○所○感○云○闖○賊○恨○公○不○  
降○驗○屍○時○加○刃○斷○頸○公○標○將○段○可○達○收○公○屍○掬○土○掩○  
之○賊○退○始○入○棺○公○生○平○澹○泊○寧○靜○律○身○如○若○行○頭○陀○  
醉○心○祖○道○稱○三○峰○漢○大○師○入○室○弟○子○分○守○浙○東○迎○大○  
師○至○杭○之○靈○隱○開○堂○說○法○與○師○高○座○清○涼○頂○公○天○台○  
繼○公○蜀○孝○廉○劉○公○道○貞○往○復○叩○擊○不○憚○深○錐○痛○創○又○  
訂○金○公○聲○黃○公○端○伯○蕭○公○士○璋○錢○公○啟○忠○輩○爲○密○社○  
期○究○竟○大○事○故○公○在○危○城○中○語○人○吾○學○道○多○年○已○勘○  
了○生○死○今○日○正○吾○致○命○時○也○其○所○見○超○卓○如○此○子○方○  
炳○才○名○卓○犖○與○漪○交○十○七○年○冬○得○旨○謚○忠○襄○予○贈○廕○  
又○與○隨○州○知○州○謚○忠○愍○王○燾○立○祠○其○鄉○賜○名○雙○忠○應○  
時○盛○并○祔○祀○燾○亦○崑○山○人○戊○午○舉○人○守○隨○州○賊○首○八○

大王合衆數十萬圍城。燾親冒矢石，斬獲千級。城守益堅，賊有隨州紙城變作鐵城之號。移營遁去，撫按交上其功，爲守禦第一。後賊挾恨，復以數十萬至關。廂守將王必用先挾家丁遁，城遂陷。燾身被數創，猶率家人巷戰，勢不可支。始北面再拜自縊，死。事在崇禎戊寅二月。

論曰：公學問經濟，立志師王文成。文成履危蹈險，卒手擒叛藩，勒名旂常。從祀孔廡，公崎嶇百折，齎恨以沒。大厦將傾，非一木可支。蓋遇有不齊，非志有不逮矣。自功利之習入人膏肓，每疑向上一着爲遺棄人倫。逃虛守寂，公以宗門英傑，鞠躬盡瘁，視死如歸。然後知一花五葉，爲名教干城。而庭前樹趙州茶，固銀鍊文山平原輩之塗毒，致猛火聚也。公之弘護大乘，豈白蘇楊李可比肩而語哉。

周忠武傳

附配劉氏

公諱遇吉號萃庵錦州衛人也

樵史作錦衣衛指揮籍

鎮守山

西兼關門代州三關總兵官太子少師中軍都督府

左都督夙稱戰將夫人劉氏驍勇多能賊勢狃猖請

益鎮兵二千部覆以副將熊通統之甫至河干叛將

陳尚志迎賊卽令熊通歸鎮說降公怒叱之曰吾受

朝廷大恩豈若爾輩叛逆爾領兵二千不能堵賊反

為賊作說客耶立斬之令標下提塘都司楊志榮傳

首京師併請救兵時甲申二月十二日也十五日賊

偏寧武蓋賊自破太原後乘勝席捲勢如破竹志意甚驕其視寧武一關既非雄險而兵力又微直摧枯拉朽耳公晝夜練兵更選城中壯勇得數千人激以忠義迎而邀之賊不爲備其前驅皆難民斬殺已盡搗其中堅復殲賊精銳不可數計賊令雖挫不却屢戰始薄城下每戰賊傷甚多公日則列兵城外以戰爲守夜則收兵入城登陴擊打賊死又無算我砲旣盡賊得昇大砲擊城援兵不至計無如何公密令健兵伏巷開門誘賊賊進城及萬餘卽將城門闔下伏兵四起殺賊無噍類傷四驍將闖賊大恨擁步兵環攻四晝夜力不能支城陷公復躬先巷戰城中兵民感公忠義雖見童婦女無一人受屈者悉爲賊屠公傷重被執罵不絕口賊縛之教塲旗竿上亂箭射之其鬻其肉一作自刎是時署中男子相繼出戰死亡略盡夫人劉氏率家中婦女數十人據山頭公署登屋而射每一箭死一賊賊不敢迫縱火環燒劉氏合宅盡作灰燼念五日賊集頭目計曰寧武雖破受創已深自此達京尙有大同兵十萬宣府兵十萬居庸兵二

十萬陽和等鎮兵合二十萬盡如寧武詎有孑遺哉  
不若且回陝休息另走他途已刻期明早班師更深  
忽有大同總兵姜鑲差人賫降表至賊喜甚設饌厚  
款甫坐定而宣府總兵王通亦然且以百騎來迎賊  
謬謂天與優答二鎮預加封爵一意長驅亡何居庸  
及各鎮總兵白邦正劉芳名等并昌平文武相次乞  
降迎表颺集比賊陷京後多有半面與失手足者皆  
寧武所砍傷莫不嚙指告人謂周總兵真好漢殺我  
等數萬人若再有此一鎮我主安得到此楊志榮出

揭備陳顛末都督陳洪範上其事贈太保謚忠武祀  
旌忠祠又有李守錡字籍未詳亦官總兵甲申三月  
十二日賊陷昌平死之  
論曰嗟乎周忠武之殉難闔門親屬盡化烟塵合鎮  
兵民悉罹鋒刃死後賊猶嚙指而畏則前此未聞尤  
異者劉夫人之親率婦女憑牆射與全家俱燼  
壯哉吾友李小有云以視親執桴鼓之蘄王夫人  
勇矣愧無其烈以視夫婦同死之趙口發妻烈矣愧  
無其勇知言哉

十萬陽和等鎮兵合二十萬盡如寧武。詎有孑遺哉。不若且回陝休息。另走他途。已刻期明早班師。更深忽有大同總兵姜鑲。差人賫降表至。賊喜甚。設饌厚款。甫坐定。而宣府總兵王通亦然。且以百騎來迎。賊謬謂天與。優答二鎮。預加封爵。一意長驅。亡何居庸及各鎮總兵白邦正、劉芳名等。并昌平文武相次乞降。迎表颺集。比賊陷京後。多有半面與失手足者。皆寧武所砍傷。莫不嚙指告人。謂周總兵真好漢。殺我等數萬人。若再有此一鎮。我主安得到此。楊志榮出

揭備陳顛末。都督陳洪乾上其事。贈太保。謚忠武。祀旌忠祠。又有李守錡。字籍未詳。亦官總兵。甲申三月十二日。賊陷昌平。死之。論曰。嗟乎。周忠武之殉難。闔門親屬盡化。烟塵合鎮。兵民悉罹鋒刃。死後賊猶嚙指而畏。則前此未聞尤異者。劉夫人之親率婦女憑牆射。與全家俱燼。壯哉。吾友李小有云。以視親執桴鼓之蘄王夫人。勇矣。愧無其烈。以視夫婦同死之趙日。發妻烈矣。愧無其勇。知言哉。

金御史傳

附何復等

公名毓嗣字鶴冲北直完縣人也祖諱銓官司徒爲  
萬曆庚辰進士公少與從子肖孫讀書郎山相對慨  
然○輒有澄清之志○中崇禎甲戌進士除中書舍人辛  
巳秋以陳漕務稱旨授湖廣道御史尋上寬征徭誅  
骫帥解黨錮慎銓法諸疏俱報可其解黨錮一疏尤  
諍於羣小羅織清流之日而爲海內所傳誦者也出  
按秦川闖逆方窺函谷不敢入及公復命賊果踰關  
舉朝悔不久任云甲申春召對便殿旋草詔命監宣

大軍宣雲告陷隨奉命督禁旅往扼畿南要害公冒  
矢石馳至保郡散家貲千金犒士卒為固守計而是  
時公之從子振孫以劍術登武科相見泣下為誓死  
士卒皆流涕振孫者肖孫弟也賊圍急振孫登陴挾  
矢殪渠帥數人兄弟私誓曰一旦有變必從季父遊  
地下公聞之謂肖孫曰死易存孤難我以弱子為托  
肖孫拜受命公配王孺人盡出簪珥冠帔以犒士士  
益奮賊相顧謂曰此固曩時按秦御史也欲引去而  
三月十九日信至矣公痛哭誓與城俱死懸銀牌以

賞擊賊者得級無數二十四日辰刻城南樓火起賊  
乘燭登城遂陷振孫躍馬赴賊曰城頭殺爾帥者我  
也格鬪斃數人而賊支解之公裂眦罵賊賊斫一  
綠衣賊負印北叩首曰臣力竭矣投三皇廟古井死  
王孺人縊死姪孫婦嬰妻陳氏及侍兒桂春皆投井  
死賊大索兩孤肖孫備受炮烙慘刑體刺剝無完膚  
終以得免三日後肖孫收公骸骨如生云是時畿南  
所在服欵惟保定誓死固守久之始破一時死難又  
有保定知府何復萊州人甲戌進士方到未任親放

藥礮被火燒死同知邵宗立聞變卽刻投繯太監方正化城頭被殺鄉紳則原任光祿寺少卿張羅彥自縊進士張羅俊罵賊遇害武進士張羅輔城破巷戰手刃數人以及于難張氏婦女老少一門死者二十餘人都指揮劉忠嗣罵不絕口身被數鎗至死不屈舉人劉會昌張鵬高涇俱以被執不屈見殺會昌另有傳

論曰公在臺中有清望跡其平日倡明理學汲引善類世以正人君子目之而况嬰城殉守節比睢陽常山者乎至肖孫保孤無异程嬰而振孫從死有如南八下逮巾幗從容就義豈非末世所不多見者與讀公之傳其亦可感也夫

吳長安傳

公名從義字裕強山陰人端方向學曾夢長者撫其背曰歲寒松栢其在斯乎余字而歲青寤遂更焉崇禎十二年舉順天鄉試十三年進士時謁選者率營善地公言人登甲第于國家恩厚甚致身分也避危疆不往豈臣子義且吾儕貧士安取貲稱貸以圖後不剝民償耶其言論如此就選得長安今秦地兵荒洊至于緡不能得升粟下車請臺使者設法賑貸秦民賴以生者數十萬廷議以寇盜充斥裁縣簿設練

總募邑中丁壯三百。隸之操習。然一聞盜輒股栗。不  
前。公躬自訓練一月。而勇氣奮發。會遣標兵勦南山  
寇。從西峪入。公卽率練從東峪布登。而進遇賊。與標  
兵夾攻之。獲其渠子午曹張諸鎮。賴以寧。時值編審  
秦宗及鄉紳佔業。率十之四名爲寄庄。無他徭役。而  
是時李賊蹂躪豫楚。秦與壤接。詔三邊督師移鎮西  
安。以衛秦。而援豫。楚部兵募兵各十萬餘。俱集長安。  
刀槽草豆。戰車戈矛之屬。俱檄民間措處。咸出橫調。  
公憫焉。具詳臺使者。除宗紳衿士應免外。餘田槩行。

編派而編戶少甦矣。尤勤訓士。鄉設五經社。以鼓舞  
之。暇卽留心經史。講求先聖賢之道。至古人忠孝節  
烈。民生凍餒流離。率反覆言之。居平食筮不逾二。飲  
不至醉。冬裘夏葛。必敵方更。一絲粟之費。未嘗不三  
復。民脂民膏也。癸未春。舉卓異。冬十月。督卽孫傳庭  
喪師雒陽。潼關不守。長安勢如累卵。公竭蹶佐撫軍。  
議戰守。誓死不顧。分汛南門十餘日。而賊至。十一日。  
東門陷。撫軍馮師孔死之。衆扶公下。至城北。閉神廟。  
乃舍。羈去。積九。袒首。釋袴衫。易冠服。從容望闕叩首。

赴井中死事聞贈山西按察司僉事  
論曰公爲令甫一年修練儲備事事克舉顧以事勢  
已去所謂大厦將傾非一木能支也卒以身殉衆濁  
獨清歲寒松柏其在是與

畢僉事傳

公名拱辰字星伯號湖目萊州衛人萬曆丙辰進士  
歷知塩城朝邑二縣謫上林監丞歷戶部河南司禮  
部祠祭司主事員外再謫浙江按察司知事遷吉安  
府推官南戶部廣西司主事福建司郎中河南按察  
司僉事整飭淮徐兵備時漕運總督史可法以徐州  
荒殘當南北衝而公體弱不任劇請更用報可改公  
山西分巡冀寧以十五年秋至官撫循彫氓頗有惠  
誦十七年二月賊犯太原公授甲登陴拒敵三日會

風○靈○大○作○賊○從○城○東○壯○梯○而○入○執○公○至○偽○將○軍○劉○所○  
脅○之○降○公○山○立○不○動○遂○遇○害○與○巡○撫○蔡○懋○德○布○政○趙○  
建○極○三○尸○同○棄○晉○王○府○西○墀○下○越○八○日○賊○去○材○官○段○  
可○達○以○墻○土○覆○之○公○無○子○無○人○為○請○卹○者○公○生○平○最○  
好○書○官○南○曹○時○署○中○無○事○終○日○讀○古○家○中○繡○帙○幾○盈○  
萬○卷○性○清○執○不○善○事○上○官○以○故○通○籍○二○十○年○尚○浮○沉○  
郎○官○尤○通○曉○曆○法○所○著○有○義○俠○紀○事○等○書○  
論○曰○公○終○身○讀○書○人○也○惟○讀○書○故○能○體○認○得○致○身○二○  
字○義○彼○世○之○不○忠○不○孝○者○豈○皆○不○讀○書○耶○

范文貞傳

公諱景文字夢章號質公北直吳橋人也父承年仕  
府守為德於鄉有佛子稱公生而端亮行醇謹諸生  
時即以天下為己任登萬曆癸丑進士授東昌府推  
官署其門曰不受囑不受饋獄多平反時值大饑條  
荒政躬自賑恤全活以億萬計己未擢吏部主事庚  
申署選時光宗登極旬月中公所推擢皆先朝黃  
髮世所目威鳳祥麟者甲子逆關盜柄公上疏請清  
仕路養士節謂天地人材當為天地惜之朝廷名器

當○爲○朝○廷○守○之○天○下○萬○世○是○非○公○論○當○與○天○下○萬○世○  
共○之○言○皆○剴○切○爲○時○所○忌○比○例○推○瑞○先○授○意○芟○逐○清○  
流○周○忠○毅○李○忠○毅○輩○公○力○爭○執○不○爲○狗○移○疾○去○杜○門○  
却○掃○視○世○榮○一○切○淡○如○至○感○憤○時○事○則○裂○背○拳○几○案○  
痛○惋○交○集○時○周○忠○介○被○逮○銀○鑕○就○北○寺○獄○誣○贓○數○千○  
公○洗○橐○百○計○代○償○欲○脫○之○於○死○雖○禍○幾○不○測○竟○罔○恤○  
其○好○義○急○難○類○如○此○毅○宗○初○起○太○常○卿○尋○巡○撫○中○  
州○陞○少○司○馬○護○運○通○昌○復○改○南○大○司○馬○叅○贊○機○務○時○  
賊○在○英○廬○留○都○岌○岌○南○顧○兵○八○萬○人○堪○戰○者○不○滿○萬○  
公○定○營○制○簡○家○丁○治○樓○船○練○火○器○部○曲○收○觀○於○是○乎○  
有○援○池○援○滁○援○廬○之○師○江○浦○之○役○賊○烽○夜○照○江○水○不○  
能○以○片○羽○飛○渡○實○惜○公○方○畧○公○之○建○置○謂○非○戰○無○以○  
爲○守○非○守○江○無○以○守○京○守○陵○并○守○江○北○無○以○守○江○南○  
疏○數○十○上○決○幾○呼○吸○瞭○然○列○眉○先○是○樞○輔○楊○嗣○昌○奪○  
情○視○事○詞○臣○黃○公○道○周○等○執○義○廷○諍○杖○謫○纍○纍○公○抗○  
疏○力○救○謂○道○周○等○國○家○有○數○人○物○用○之○猶○懼○其○晚○棄○  
之○何○得○其○益○乃○共○推○碩○果○遂○嗟○抱○蔓○殊○堪○惋○惜○疏○上○  
譴○歸○未○幾○起○大○司○空○甲○申○進○大○學○士○時○賊○勢○已○亟○公○

高目時艱中夜輒涕零謂身為大臣不能仗劍為天子擊賊雖死千百奚益顧非是卒無以報聖明萬一三月十七日召對公已絕粒惟飲泣入告至聲不能續十九日城陷譁上南遷公拜闕號哭投井死時殉節二十餘人公為最先絕不知上凶問云南都贈公太傅謚文貞首祀旌忠祠

論曰燕京之變處鼎鉉一席者纍纍也鄙夫如井研者弗論甚有對策大廷先帝首拔第一人不四年驟躋宰相圖國士報宜百倍豫讓一旦賊臨望風屈死賊手其為天子知人累大矣微公一人毅然不屈蹈義而死不幾令萬世下笑烈皇帝時端接無人哉

倪文正傳

公名元璐字玉汝號鴻寶浙江上虞人也父暉舉萬曆甲戌進士官至太守有能名公少卽穎異絕倫弱冠舉于鄉壬戌成進士才名噪天下與少詹黃公道周並出韓太史日續門下一時推爲雙壁選入庶常尋授編脩時逆璫用事公鄉人多貴顯者公翫礮木天無所附麗媚璫者方請建祠國學與先聖並列公奉命典江右試獨以皜皜乎不可尚已命題同事爲公咋舌棘撤而璫已敗故公得無禍海內亦以此重

公瑞既誅死○諸党猶踞要地○欲終錮林下諸賢○乃借  
東林爲題○又立孫党趙党熊党鄒党之目○以一網清  
流○公上疏力爭○言臣觀攻崔魏者○必引東林爲對案○  
一則曰邪党○再則曰邪党○夫以東林爲邪人党人○將  
復以何名加崔魏○輩以臣虛中之言○合之事後之論○  
夫東林則亦天下之材藪也○爲之王者○大都稟清挺  
之標○而或繩人過刻○樹高明之幟○而或持論太深○其  
所引援爲用者○每多氣魄之儔○才幹之傑○卽不無非  
類○要可指數而盡○大約天下之議論○寧涉假借而必  
不可不歸於名義○士人之行○已寧涉矯激而必不可  
不準諸廉隅○自後之君子○以假借矯激深罪前人○于  
是彪虎之徒○公然起而背叛名義○毀裂廉隅○于是連  
篇頌德○匝地生祠矣○夫頌德不已○必至勸進生祠○不  
已○必且呼嵩○而人猶寬之曰○無可奈何○不得不然○嗟  
乎○充一無可奈何○不得不然之心○將何所不至哉○議  
者能以忠厚之心○曲原此輩○而獨持已甚之論○苛責  
吾徒○亦所謂悖也○又言諸臣謂今日之忠直○不當以  
崔魏爲對案○臣謂正當以崔魏爲對案○夫人意見不

同○議○論○偶○異○總○不○足○以○定○貞○邪○如○宋○蘇○軾○程○頤○交○詆○  
為○邪○而○兩○人○並○自○千○古○我○朝○大○禮○之○爭○論○者○亦○兩○賢○  
之○惟○品○節○大○闕○一○失○遂○分○霄○壤○夫○品○節○試○之○於○崔○魏○  
而○定○矣○故○有○東○林○之○人○為○崔○魏○恨○其○抵○觸○畏○其○才○鋒○  
而○必○殺○必○逐○此○正○人○也○有○攻○東○林○之○人○雖○為○崔○魏○所○  
借○而○勁○節○不○阿○或○逐○或○遠○此○亦○正○人○也○海○內○傳○誦○以○  
為○快○論○復○上○請○毀○三○朝○要○典○疏○曰○臣○觀○挺○擊○紅○丸○移○  
宮○之○三○議○闕○於○清○流○而○三○朝○要○典○之○一○書○成○於○逆○豎○  
其○議○不○可○不○兼○行○而○其○書○不○當○不○速○毀○蓋○當○事○起○議○  
興○盈○庭○互○訟○主○挺○擊○者○力○護○東○宮○爭○挺○擊○者○計○安○神○  
祖○主○紅○丸○者○仗○節○之○言○爭○紅○丸○者○原○心○之○論○主○移○宮○  
者○弭○變○於○幾○先○爭○移○宮○者○持○平○於○事○後○六○者○各○有○其○  
是○不○可○偏○非○此○一○局○也○既○而○楊○漣○二○十○四○罪○之○疏○出○  
魏○廣○微○此○輩○門○戶○之○說○興○於○是○逆○璫○殺○人○則○借○三○案○  
群○小○求○富○貴○則○借○三○案○經○此○二○借○而○三○案○之○面○目○全○  
非○矣○故○凡○推○慈○婦○孝○於○先○皇○猶○之○頌○德○稱○功○于○義○父○  
又○一○局○也○網○已○密○而○猶○疑○有○遺○鱗○勢○極○重○而○或○憂○其○  
翻○局○於○是○崔○魏○兩○奸○乃○始○剗○立○私○編○標○題○要○典○以○之○

批○根○今○日○則○衆○正○之○党○碑○以○之○免○死○他○年○卽○上○公○之○  
鉄○券○又○一○局○也○由○此○而○觀○三○案○者○天○下○之○共○議○要○典○  
者○崔○魏○之○私○書○今○爲○金○石○之○論○者○仍○未○深○思○若○夫○翻○  
卽○紛○囂○改○亦○多○事○惟○有○毀○之○而○已○遂○得○旨○允○毀○然○公○  
從○此○遂○爲○人○側○目○矣○黃○公○道○周○以○建○言○與○時○相○忤○選○  
經○筵○官○不○與○公○疏○請○以○已○秩○讓○黃○公○由○此○益○爲○當○事○  
所○拘○鑿○又○上○制○虛○制○實○疏○訛○切○朝○政○中○有○云○治○之○根○  
本○惟○在○絲○綸○勿○以○大○猷○付○之○悠○忽○勿○以○瑣○務○示○其○周○  
詳○恩○怨○不○橫○於○胸○好○惡○必○循○人○性○母○徒○傷○元○氣○而○情○  
面○仍○存○母○浮○慕○精○明○而○叢○臍○實○甚○凡○侃○言○必○有○深○慮○  
母○一○筆○抹○殺○以○過○群○謀○凡○至○慮○必○有○定○歸○母○雙○票○游○  
移○以○嘗○上○意○母○以○意○見○仇○獨○立○之○士○母○以○聲○顏○拒○來○  
告○之○人○如○此○則○才○識○自○生○勛○猷○自○著○皆○深○中○政○府○膏○  
肅○遂○決○不○能○容○公○授○意○勛○臣○劉○孔○昭○借○端○齟○齟○銓○司○  
承○望○風○旨○協○力○下○石○公○遂○罷○歸○然○天○子○終○思○公○不○置○  
會○羽○書○孔○丞○乃○以○兵○部○侍○郎○兼○學○士○名○未○几○國○計○匱○  
乏○欲○借○公○經○術○佐○理○擢○公○戶○部○尚○書○公○殫○精○握○筭○宵○  
旦○隳○勞○癸○未○冬○逆○賊○破○秦○公○奏○賊○旣○入○秦○則○留○賊○不○

當○以○秦○而○以○晉○晉○倘○專○而○後○進○可○戰○退○可○守○請○蜀○沿○  
河○租○稅○取○其○半○以○資○防○禦○多○築○敵○臺○汰○冗○兵○厚○死○士○  
毅○皇○帝○嘉○納○之○然○奉○行○不○力○以○至○大○亂○甲○申○二○月○命○  
公○解○部○務○侍○講○筵○三○月○十○七○逆○闖○長○驅○犯○闕○公○上○急○  
救○時○事○疏○未○卽○報○十○九○辰○刻○賊○緣○城○上○公○知○龍○馭○上○  
賓○卽○紗○幘○絳○衣○束○帶○北○向○拜○闕○曰○臣○爲○大○臣○不○能○保○  
國○臣○之○罪○也○又○南○向○再○拜○遥○辭○母○太○夫○人○乃○索○酒○入○  
書○舍○獻○所○供○漢○壽○亭○侯○像○三○爵○亦○自○浮○滿○盡○三○大白○  
所○親○勸○公○効○文○丞○相○忍○恥○出○外○舉○兵○苗○匡○復○公○怒○指○  
壽○亭○像○曰○使○吾○生○存○何○面○目○對○此○君○或○言○太○夫○人○在○  
堂○亦○不○爲○之○地○耶○公○默○然○一○淚○及○頤○而○止○旣○而○日○老○  
母○八○十○四○矣○而○猶○康○健○夫○復○何○憾○乃○捉○筆○題○案○曰○宗○  
社○至○此○死○當○委○我○於○壑○慎○勿○衾○帷○以○志○吾○痛○於○是○步○  
出○至○廳○事○南○面○坐○方○舉○繯○大○呼○曰○南○都○尚○可○爲○遂○自○  
縊○久○乃○絕○玉○著○雙○陸○幾○入○舌○藏○眸○斂○神○色○如○生○是○午○  
有○騎○驟○至○問○公○安○在○則○陳○尸○於○堂○矣○乃○愕○然○馳○去○頃○  
之○有○僞○職○王○方○弼○者○頒○示○且○傳○令○箭○至○寓○曰○忠○義○之○  
門○勿○行○騷○擾○繇○此○家○人○獲○安○公○子○會○單○不○忍○違○遺○命○

乃○俟○先○帝○歛○始○闔○棺○賊○無○不○太○息○稱○真○忠○臣○者○公○  
文○章○精○華○深○刻○至○性○所○激○紙○立○字○飛○故○獲○其○片○言○比○  
于○天○璣○弘○壁○獎○借○後○進○保○護○聲○氣○士○無○賢○不○肖○皆○願○  
出○公○門○墻○殉○難○諸○賢○中○公○尤○爲○世○所○哀○痛○南○都○贈○公○  
太○保○謚○文○正○祀○旌○忠○祠○

論○曰○古○今○易○名○之○典○以○文○正○爲○難○明○典○數○百○年○惟○餘○  
姚○長○沙○皆○揆○席○也○北○都○死○事○乃○得○公○與○劉○中○允○長○沙○  
高○文○典○冊○且○爲○一○代○風○雅○開○先○顧○委○蛇○逆○瑾○雖○匡○救○  
彌○縫○厥○功○不○小○亦○來○枉○道○之○譏○餘○姚○中○允○渾○金○璞○玉○  
傳○信○千○秋○惟○公○以○懷○蛟○吐○鳳○之○才○兼○化○碧○貫○虹○之○節○  
長○沙○遜○正○劉○謝○讓○文○尊○名○壹○惠○未○有○如○公○之○尤○愜○者○  
且○使○美○新○仇○國○不○得○自○附○於○藝○苑○笙○簧○孤○鳳○鳴○而○鶴○  
鶴○息○公○諸○著○讓○之○謂○矣○然○則○公○不○獨○爲○正○人○增○華○尤○  
爲○文○人○吐○氣○哉○

周文節傳

附一

公諱鳳翔、號巢軒、浙江山陰人也。父名思觀、曾刲肝救親、以孝著。公生而有異徵、聰穎絕世。黃中等身之書、流睇可盡。長吉嘔肝之語、又手能成。識者以大器期之。丁卯舉于鄉、戊辰成進士。尋試宏詞、高等爲翰林院庶吉士。詞林故清、署史臣第、雍容以文墨相高。稍涉事、輒引代庖爲解。公獨講求世務、人才相與籍記之。戶外屨常滿、每抵掌論天下事、不爲首鼠兩端。橐筆三期、聲稱日出。庚午晉編修、記注起居、知制誥。

訓詞獨持體要。不媿絲綸。尋充經筵講官。既入侍金  
華。退而嘆曰。明主孳孳向學。遜志時敏。而講臣不竭  
忠。悉智以迪宸聽。非夫也。中夜拊膺。莫有啓渥。未幾  
陞南司業。雍政久弛。師生倚席不講。公釐飭甚詳。大  
要直而溫。寬而栗。得古帝王教胄之意焉。已而陞左  
中允。轉左諭德。時國家多事。公感上恩。每一召對。  
掀髯昌言。其音琅然。同列悚聽。嘗陳吏速化。則治不  
成。民重征。則盜不息。又言帝王之道。必世後仁。譬身  
元氣。久自蒸。徹每有披陳。上爲傾聽。癸未分試棘  
闈。如光公泓黃公淳耀名流。皆出其門。甲申城陷。賊  
令各官報名。時公猶未知先帝存歿。欲趨朝。踪跡  
之比。入陞見光景大異。同朝諸臣有憂怖不敢出聲。  
氣者有相聚偶語者有面無人色者有揚揚得意自  
詫與朝佐命者有侈口誦賊功德者。公不覺掩面痛  
哭。失聲亟趨歸寓所。北向再拜。遂自經。死。二妾某氏  
從之。有絕命詩曰。碧血九原依聖主。白頭二老望忠  
魂。蓋家猶具慶也。哀哉。公爲人明達魁岸。學問博洽。  
嘗論史曰。三代而後。漢與外戚共天下。唐與女后宦

官○共○天○下○魏○晉○以○下○與○膏○梁○子○弟○其○天○下○宋○與○奸○臣○  
共○天○下○元○與○族○類○其○天○下○我○國○朝○皆○無○之○可○謂○盛○矣○  
但○邊○防○海○運○最○爲○今○日○急○務○又○論○學○曰○大○凡○論○學○不○  
可○立○黨○立○黨○則○必○爭○奚○能○見○道○昔○者○朱○陸○之○辨○虛○心○  
求○是○也○今○日○之○辨○朱○陸○私○心○求○勝○也○言○愈○多○而○道○愈○  
晦○持○論○疊○疊○聽○者○怠○倦○知○其○臨○難○殉○節○非○繇○氣○激○者○  
矣○乙○酉○贈○公○禮○部○左○侍○郎○謚○文○節○  
論○曰○公○死○視○倪○馬○諸○公○蓋○獨○後○云○然○當○先○帝○龍○馭○  
上○賓○倉○皇○無○知○其○事○者○皆○以○爲○南○幸○金○陵○如○明○皇○奔○  
蜀○故○事○公○不○卽○死○猶○庶○幾○伺○間○竄○逸○得○執○羈○馬○以○從○  
靈○武○之○駕○也○然○公○亦○幸○以○是○刻○死○耳○否○則○刀○鋸○在○前○  
桁○揚○在○後○無○論○辱○身○屈○膝○者○昧○心○蒙○面○卽○刑○僇○以○死○  
不○得○從○諸○君○子○後○矣○公○亦○慷○慨○蹈○義○者○哉○

劉文正傳

附配萬氏等

公諱理順號湛六河南杞縣人也萬曆癸卯舉於鄉  
凡十上春官不第人惜公數奇公自視夷然崇禎甲  
戌成進士廷試第一人爭榮之公曰科名固分內事  
昔宋王曾及第或嘲之曾曰平生志不在溫飽今茲  
之舉吾懼伊始何榮爲人服其志謂異時必卓有豎  
立初授修撰丙子記註起居巳卯典閩試踰年遷諭  
德癸未分較會試所得多文章節義士甲申賊變聞  
駕崩公遙望闕慟哭謂荷上厚恩無所報効國事

至此萬死莫贖遂載拜死之。妻萬氏妾李氏及僕四人俱殉。公素爲德維系其魁天下也。鄉人書榜于門。日天從人願至是賊多秦中人有數百騎環寓皆以公善居鄉有殊惠吾等今日來欲爲擁衛報公賜何竟至此俱下馬痛哭羅拜乃去。南都贈公詹事府正詹事謚文正。妻萬氏贈淑人并妾李氏同祀旌忠祠。論曰劉公其遜國時黃伯瀾後一人哉不然並列鼎元適遭大故一門靖節何大致相類也先後相距幾三百年取義成仁較如一轍語云非常之時賢者出焉其謂是與

凌忠清傳

公諱義渠字駿甫號茗柯浙烏程人也世以雕龍擅  
譽公修髯頎立如高霞孤映明月獨舉所爲制舉義  
吐棄陳言特標玄勝長齋學佛于世味泊如也自其  
爲諸生卽已稱菰蘆第一流甲子中式乙丑登進士  
謁選得行人庚午考選授禮科給事中時當國者爲  
公梓里密戚主眷方隆人爭傍附以進公皂囊白簡  
侃侃發舒無少瞻顧賊氛漸熾公目擊心恫上疏極  
論其事謂滅賊之明旨屢更而逆焰滔天如故率士

之○搜○求○既○罄○而○師○徒○不○競○如○故○就○外○之○布○置○言○之○有○  
能○灼○知○賊○之○飢○飽○虛○實○來○路○去○路○隨○時○據○實○入○告○不○  
事○虛○飾○者○乎○有○能○置○零○級○弗○報○慷○慨○擐○甲○刻○時○刻○日○  
誓○不○與○賊○共○戴○者○乎○就○內○之○調○度○言○之○有○能○力○祛○文○  
法○拘○牽○之○弊○舉○一○切○事○權○專○任○一○人○聽○其○自○操○自○縱○  
置○小○小○利○鈍○不○問○者○乎○有○能○排○群○策○而○獨○持○一○斷○實○  
實○使○關○外○知○所○稟○命○截○然○不○入○游○移○者○乎○以○爭○在○呼○  
吸○之○軍○機○而○既○俟○成○命○又○俟○部○覆○又○俟○部○咨○費○許○多○  
周○折○卽○費○許○多○時○日○比○馳○至○行○間○而○面○目○全○非○先○着○

已○不○在○手○矣○以○信○賞○必○罰○之○軍○政○而○歆○以○爵○賞○者○無○  
虛○日○懼○以○顯○戮○者○亦○無○虛○日○繁○多○易○褻○積○久○生○玩○恐○  
濫○文○自○此○不○靈○而○嚴○檄○亦○因○之○不○震○矣○後○國○事○潰○敗○  
皆○如○其○言○甲○戌○轉○禮○科○右○磨○勘○癸○酉○試○卷○河○南○貴○公○  
子○曹○鳳○禎○以○賄○得○中○式○公○閱○其○卷○皆○小○兒○號○嘍○語○因○  
塗○乙○滿○紙○擬○從○黜○革○爲○同○事○所○尼○丙○子○以○戶○科○左○給○  
事○生○考○山○東○得○士○爲○盛○如○王○中○丞○漢○則○先○公○殉○義○者○  
也○尋○首○兵○垣○而○掌○吏○垣○某○與○鳳○禎○爲○姻○好○啣○公○舊○事○  
以○年○例○外○遷○公○爲○閩○臬○公○引○義○就○職○無○一○言○同○官○不○

平發其事。上命取鳳禎卷入覽。知公持正不阿。遂  
落鳳禎舉人。并削吏垣某籍。公雖暫淹外服。譽望益  
重。由閩臬轉三吳。備兵使者。三吳才賦重地。公身處  
脂膏。懸魚拔雉。清風兩袖。惟取吳士帖括。手自甲乙。  
梓以問世。不卑初學。不徇壇坫。鈞玄拔韻。盡汰時蹊。  
風味遐迥。論者以爲永嘉末之正始音。已遷山東布  
政使。尋擢南京光祿卿。癸未擢大理卿。而國變作矣。  
時寇以三月乙巳犯都城。丁未昧旦。公因召對。疾趨  
長安門。則無人門焉者。拱立達曙。門竟不啓。乃返就  
舍。俄報城陷。人馬群嘶。街巷填咽。公端坐旅次。神色  
洒然。鬚髯怒張。無何鼎沸稍定。東魯門人李某趨謁  
公。以龍馭寶天告。公聞之。矍立負墻號泣。動地舉首。  
觸柱血淋漓。沾襟袖。李大驚。牽衣力持。幸無過激。公  
曰。君爲社稷。死則死之。爲社稷亡。則亡之。死吾分也。  
復何辭。李援古曲喻。請留身有待。公曰。此不過欲緩  
我須臾。死耳。身受國恩。二十載于茲。宮車晏駕。孤臣  
雖欲獨生。義所不忍。李抱公泣。公厲聲曰。與若道義。  
交當共相勗勵。何兒女泣爲。李拜辭去。公立燈下。顧

諸○書○籍○嘆○曰○噫○我○手○澤○在○是○忍○捐○棄○賊○手○俾○泥○我○青○  
編○乃○命○悉○取○火○焚○所○評○隲○書○及○生○平○著○述○蓋○公○生○平○  
無○它○嗜○獨○嗜○書○自○其○對○公○車○出○入○京○華○跋○涉○八○閩○使○  
岷○藩○典○魯○試○鎮○吳○臬○屏○齊○邦○縹○緲○纍○纍○十○餘○笥○靡○弗○  
躬○飾○以○從○退○食○暇○輒○手○一○編○雖○酬○應○如○蠅○毛○不○廢○聞○  
某○所○有○異○書○卽○殫○精○竭○貲○百○計○購○取○至○是○盡○付○煨○燼○  
于○是○公○客○及○諸○僮○僕○知○公○志○堅○且○決○潛○取○其○室○中○繩○  
械○器○皿○盡○匿○之○公○怒○曰○爾○輩○若○此○我○詎○無○法○耶○指○  
前○几○曰○方○觚○稜○稜○與○頭○俱○碎○耳○客○力○阻○之○不○得○乃○設○

爲○庭○闈○情○至○語○動○公○公○改○容○謝○曰○吾○固○痛○心○然○身○已○  
許○君○義○不○能○兩○全○也○夜○旣○嚮○晨○會○有○言○升○遐○未○實○者○  
僕○遽○以○告○公○徒○跣○出○舍○道○逢○鄉○故○知○凶○問○已○確○遂○急○  
奔○回○索○冠○服○僕○以○青○綉○衣○進○公○却○之○命○易○緋○袍○設○香○  
案○僕○皆○遮○立○不○動○公○曰○我○一○生○儻○居○蔬○食○於○物○無○所○  
戀○且○世○界○中○亦○何○物○可○戀○者○今○遇○國○難○此○我○正○命○秋○  
也○趣○辦○事○無○濡○遲○因○正○笏○向○闕○拜○復○南○望○遙○拜○草○上○  
尊○人○書○有○盡○忠○卽○所○以○盡○孝○男○視○死○如○歸○含○笑○入○地○  
語○筆○墨○瑩○然○點○畫○不○苟○以○書○授○僕○且○云○我○魂○先○歸○侍○

左○右○矣○僕○人○環○跪○滂○泣○請○後○命○公○曰○死○後○可○書○我○  
云○矣○節○孤○臣○凌○義○渠○之○樞○如○是○而○已○遂○就○縊○時○年○五  
十○二○南○都○贈○公○刑○部○尚○書○諡○忠○清○旌○忠○  
論○曰○士○仗○節○殉○難○往○往○卜○之○平○日○然○或○以○犯○顏○敢○諫○  
或○以○孝○友○廉○潔○或○以○蘊○義○風○生○鼓○動○流○俗○惟○公○則○無  
待○於○此○試○讀○其○乙○丑○諸○行○牘○直○從○生○死○苦○海○中○喚○醒  
醉○夢○然○則○公○固○以○筆○墨○爲○晨○鐘○六○籍○爲○彼○岸○矣○清○淨  
涅○槃○豈○待○其○燕○市○引○決○日○哉○夫○慧○業○文○人○生○天○成○佛  
靈○運○亦○徒○能○言○之○耳○彼○旣○低○徊○晉○宋○禪○受○問○不○能○自  
割○而○欲○借○子○房○魯○連○解○嘲○此○遠○公○所○以○蚤○訶○其○心○雜  
也○如○公○者○斯○真○以○慧○業○身○說○無○生○法○者○乎

吳忠節傳

公諱麟徵字

號磊齋浙江海鹽人也舉天啓丁

戊進士初任江西建昌司李既改閩之興化平反出

入獄無冤民綜核諸屬吏莫敢以私進有暮夜却金

風以治行高等徵拜吏科給事中同官章正宸莊鰲

獻建白忤旨下獄公上疏力救又論安民之本在于

守令守廉則令不敢貪守慈則令不敢虐守精明則

令不敢叢脞且為令者衆又多操刀學割之徒故遴

別難精為守者寡皆循資積俸而升故才品易核願

皇上延推禮遣凡生民疾苦吏治臧否使得自達于  
天子造績成而後加不次之擢時論服其深切而不  
能用也丁艱起補歷兵刑兩垣後掌吏垣見盜賊集  
起民生凋瘁屢疏乞身任危彊竟不見許庚辰大計  
時三吳守令倚要人爲窟穴吏部拱手莫敢問公與  
掌河南道祁公彪佳矢志澄清凡吞舟漏網者皆置  
拾遺白簡中窮奇饕餮爲之一清故事掌吏垣者計  
吏事竣卽其月優擢太常獨公以不至宰相之門一  
駁再駁政輔乞骸公命始下此甲申三月初七日也

賊警且迫公以十二日受事十五日奉命坐西直  
門外六日甲辰寇突至城下公擐甲衣短衣寢處城  
下賊攻西北一帶最急西直尤當賊衝時上下舍皇  
矢箭火之備禦多不習公登陴周視矢叢射如蝟  
立不稍退指麾益厲士卒匱糧已五月莫肯用命公  
夜坐撫病卒忽墜大礮破瓦落公案前椽楹盡倒公  
手撫如故士卒皆感泣十七日乙巳公親督從者載  
土石塞門同守武安侯鄭某伯張某尚開門納難民  
賊數百騎尾其後不覺公亟手施箭砲賊稍却始從

公○塞○門○城○頭○宦○寺○鮮○服○怒○馬○相○羊○不○驚○高○擊○青○蓋○  
馳○走○雜○撓○守○卒○欲○擅○啓○閉○凡○坐○門○諸○臣○多○不○得○登○城○  
望○敵○公○奪○路○上○城○見○賊○忽○盡○易○緋○衣○俄○而○同○守○一○官○  
亦○易○緋○衣○登○陣○公○怪○而○目○叱○之○是○夕○深○史○大○監○某○密○  
遣○二○卒○手○箭○飛○至○斬○關○求○出○公○親○詰○之○語○塞○乃○厲○却○  
之○俄○從○得○勝○門○去○矣○十○八○日○丙○午○賊○集○城○陴○多○羸○弱○  
男○子○公○召○諸○卒○諭○之○能○殺○一○賊○者○賞○五○十○金○須○臬○健○  
卒○數○百○總○城○格○殺○賊○百○餘○人○擒○十○餘○人○卽○斬○之○城○下○  
賊○分○馬○步○東○西○迴○顧○狀○如○欲○退○城○上○歡○呼○公○曰○此○賊○

技○早○必○合○營○至○矣○未○幾○果○大○至○攻○益○急○威○臣○貴○臣○相○  
與○議○勢○不○可○支○公○請○見○天○子○言○狀○至○西○長○安○門○二○  
鼓○矣○門○守○少○宰○沈○惟○炳○禁○出○入○公○排○門○直○前○午○門○遇○  
輔○臣○魏○藻○德○引○公○手○曰○朝○廷○大○福○自○無○他○虞○旦○夕○兵○  
餉○且○集○公○何○匆○遽○爲○拉○公○同○出○公○旣○不○得○面○聖○復○走○  
謁○總○憲○李○公○邦○華○道○不○可○爲○狀○相○持○而○泣○遂○還○西○直○  
門○十○九○丁○未○黎○明○宮○人○數○十○百○競○從○東○華○門○出○城○中○  
大○擾○訛○言○天○子○他○幸○城○守○益○弛○賊○遂○緣○德○勝○門○入○  
守○卒○盡○逸○公○急○距○戶○自○經○爲○從○者○所○解○擁○公○哭○公○曰○

我若得一見。天子吾無憾矣。從者持公走。風塵滿面。卒不能前。入道左三元祠。舉首視屋梁曰。吾終此矣。遂索酒飲。語從人。吾受恩列卿寺。國亡賊入。雖君父消息未真。亦何顏自立。衆皆哭。公止之曰。無亂我方寸。且睡去。約二鼓。公喉間格格有聲。家人張儉者先覺。共起視。已用舊帨作結。自經。亟解之。得甦。公曰。慢我。慢我。遂起作絕筆云。祖宗三百年宗社。移于旦夕。身居諫垣。不能匡救。法應褫服。殛時用角巾。青衣覆以單衾。墊以布席足。宜速歸。恐繫先人之

望。茫茫泉路。炯炯寸心。所以瞑予目者。又不在此也。又寄弟中丞麟瑞書。則憂江南有事。寄從弟書。則明生平學文山。要窮就窮。要歿就歿之志。寄諸子。則教以讀書明義理。崇儉朴。不能北面事人。義二十日。戊申。有同官某。既身許賊。復遣一役。招公謀歸里。公麾役去。已而復來。擠之戶外。逆臣高翔漢。已受賊署。雅知重公。解說百端。公厲辭却之。恨恨去。同鄉祝孝廉淵。聞狀來視公。公引酒共酌。告孝廉曰。往予問道山陰。劉念臺先生。先生曰。人之初念。未嘗不善。往往以

轉念失之。授命予初念也。時尚訛言。先帝匿前門外。從者多勸公削髮南遁。圖事報國。公語之曰。我身居諫垣。言不足動主。目擊時危。每欲牽御衣。哭陳其詳。自觸而歿。以尸爲諫。况國破日乎。因朗吟文山零丁洋裡詩。或曰。黃冠歸故鄉。今亦可然否。公笑曰。文山之言。雖爾。文山之事。若何。抵暮。孝廉別公去。公拱手。輾然悠遊。自若。酉刻。投繯。家人尚抱持不釋。公奮身。挽臂自捽。束帛。移刻。遂逝。右手微曲。握拳。幾透背。顏色凜凜。白髯戟張。三日。含瞑如生。時傳賊將甘心。

殉節者。左右錯愕。無所出。倪公元璐。六月始殮。許公

直昇。歿。驗視得殮。施公邦耀。賴江右曾明經子聿。得

殮。李公邦華。旣殮。懼不敢蓋棺。惟孝廉遵公遺命。卽

日棺殮。卒亦無患。賊旣入京。八門齊啓。惟西直堅塞。

不能開。二十日。猶聞砲攻。二十一日。始寂然。卒從平

子德勝入西直。尚無恙。後北師至燕。于五月七日。遣

城西御史某發掘西直門。然後盡開。其有功城守。若

此。當癸未冬甲申春間。有撤寧遠守關門之議。督臣

王永吉。樞臣張縉。彥鎮。臣吳三桂。倡之。自前後屯失

守○寧○遠○孤○懸○二○百○里○外○四○面○阻○敵○防○禦○極○難○且○寇○勢  
日○迫○三○輔○震○驚○議○者○欲○撤○寧○遠○守○關○門○挑○選○銳○士○西  
行○邊○寇○卽○京○師○猝○警○關○門○之○援○旦○夕○可○至○天○子○下  
其○議○惟○公○言○撤○之○便○又○屢○疏○言○薊○帥○堪○大○任○宜○急○引  
入○關○一○時○廷○論○群○譁○之○輔○臣○陳○演○魏○藻○德○尤○與○公○左  
謂○無○故○棄○地○二○百○里○臣○等○不○敢○任○其○咎○次○輔○方○岳○貢  
貽○書○南○司○馬○史○可○法○深○咎○公○守○關○之○議○公○執○言○事○關  
重○大○陛○下○宜○與○督○撫○諸○臣○密○計○而○急○行○之○旣○爲○議  
數○百○言○昌○言○于○朝○六○科○多○不○肯○署○名○遂○獨○疏○其○事○事  
竟○寢○迨○寇○患○急○朝○廷○悔○不○用○公○言○屢○下○旨○撤○督○臣○以  
二○月○初○旬○出○關○徙○寧○遠○五○十○萬○衆○日○行○數○十○里○十○六  
日○入○關○二○十○日○抵○豐○潤○京○師○陷○矣○事○介○呼○吸○一○失○莫  
追○公○又○嘗○于○壬○午○冬○陳○整○飭○江○南○根○本○重○地○爲○京○師  
應○援○請○假○南○司○馬○以○權○節○制○諸○帥○亦○爲○群○論○所○裕○云  
南○都○贈○公○兵○部○右○侍○郎○諡○忠○節○祀○旌○忠○祠  
論○曰○燕○京○之○難○殉○者○數○人○然○死○則○死○耳○于○國○事○未○有  
濟○也○惟○公○則○不○然○使○棄○寧○遠○徙○吳○帥○之○說○行○上○則○爲  
奉○天○之○李○晟○次○則○爲○汴○都○之○种○師○道○無○難○也○何○至○封

豕○長○蛇○陵○憑○無○忌○覆○我○宗○社○賊○我○君○父○哉○卽○不○然○人  
盡○堅○守○如○公○賊○頓○兵○城○下○援○師○漸○集○有○烏○奔○獸○潰○耳  
况○得○早○從○公○南○司○馬○節○制○諸○帥○之○議○威○柄○旣○肅○勤○王  
旅○可○一○呼○集○乎○然○則○世○徒○以○殉○節○目○公○豈○爲○知○公  
哉

孟忠貞孟節愍合傳

公諱兆祥字允吉號肖形山西澤州人也世籍交河  
朴貌古心伉直自負中天啓壬戌進士授大理寺評  
事憂去丁卯除原官主考四川己巳陞吏部稽勲司  
主事歷驗封考功文選員外郎辛未分較會試所取  
多名士時方典選其門人有以地方請者公正色拒  
之曰纔入仕途便有趨避後將無所不至聞者懼然  
顧其松栢之操晚而益勁長髯過腹丰采稜稜不受  
要人請託不通知交聞問塊然署中冰霜凜凜時以

爲有包孝肅遺風。尋忤中官意。以事降行人司司副。  
由光祿寺丞遷少卿。左通政。太僕寺卿。癸未陞通政。  
使。是年八月。子章明登進士第。觀政未授職。甲申陞  
刑部右侍郎。屬時事日棘。門人司勳郎熊文舉乘間  
請於公曰。萬一京都不守。奈何。公握手不懌曰。莫商  
量。各人自立主意。又曰。子有老親在千里外。又官閒  
曹。非要職。尚可從容。熊爲悚然。不敢置對。賊至守正  
陽門。城陷。不屈死。姑媳俱殉。子視殮畢。亦自縊。死南  
都。贈公刑部尚書。謚忠貞。贈子河南道御史。謚節愍。

同祀旌忠祠。而文舉兩次自縊。卒爲門人劉蘭生等  
救甦。嘗有哭師詩云。盛德瞻醇穆。雄文見炳燐。日沉  
先棄杖。風急但焚輪。舊里碑傳記。虛堂案掩塵。門生  
羞後死。洒淚志忠臣。二云。清肅銓規在。程材得士多。  
尊嚴儀岱嶽。感愴重山河。父子忠同傳。乾坤氣不磨。  
西州投策痛。泌汗畏經過。三云。生死從來事。門墻訓  
迪嚴。志操期逼古。風尚可頑廉。詰曲馮心印。迂回此  
志淹。悵然羞展卷。孤月墮虛簷。四云。忍見皇輿蕩。羞  
稱江海漣。從君臣已老。殉父子非孤。青史芳聲共。坤

維正氣扶招魂餘弟子風雨泣蒼梧文舉清操博學  
士論翕然宗之  
論曰燕京之變死節文臣二十一人乃先生父子居  
其二洵足竇矣顧臣爲君死婦爲夫死一耳至以木  
適人之婦而矢心不二慷慨殉節其可敬可憐也尤  
倍於他婦其節愍公之謂與

施忠介傳

公諱邦曜字爾韜號四明浙江餘姚人也中萬曆己  
未進士除武學教授陞國子監博士工部營繕司主  
事甲子典雲南試遷員外郎丁卯出爲漳州知府以  
廉幹稱擢本省布政司叅政四川按察司使戊寅進  
光祿寺卿通政使免官癸未起都察院左副都御史  
上實圖察吏安民疏大畧言巡按權重憲綱所載明  
言奸貪蠹政害民者隨卽拿問又六品以下官有犯  
取問明白從公決斷以實奏聞今巡按攷察官吏但

呼名過堂未見拿問一人卽有一二叅劾需之復命  
近卽有不時叅劾之旨不過取一二單寒者塞責今  
民命倒懸在於呼吸安得爲此文具考察官吏必須  
當面發落某官稱職留任某官不稱職斥逐某官奸  
貪蠹政害民拏問巡歷府縣立時分別庶幾人情震  
悚然其要又在反求諸身必職罰不取土儀不問謝  
荐不收先自治而後可以治人又曰得一良吏勝得  
一良將去一貪吏卽去一民賊奏上天子嘉之甲申  
春賊偪京師公慷慨自誓曰此臣子授命之日也旣

城破問僕曰倪尚書安在偵之還報曰自盡矣公給  
之曰若等候此吾卽往冠服視倪也入內久不出探  
之已自縊死遺絕筆詩有慚無半策在時難惟有一  
死報君恩之句南都贈公左都御史謚忠介祀旌忠  
祠總憲劉公宗周哭以詩曰淮南一別燠垂寒再拜  
班荆話屢酸國難敢忘嫠婦緯時危轉憶菜根盤身  
担風紀綱常重節自平生問學安白馬巖前池畔草  
永存規矩奉輪般  
論曰大行之變信之有素故二十一人中公與倪文

正殉難並早○豈主臣間固有精神○黑喻者耶○自縊諸賢○宛轉數四○未免葛藤○惟忠介最爲直捷○從容慷慨○兩兼之矣○



